

圓瑛法彙

佛說八大人覺經講義

圓瑛法彙



佛說八大人覺經講義

公元一九八六年歲次丙寅一月壹萬本

普為助印附印功德回向

願以此功德

莊嚴佛淨土

上報四重恩

下濟三塗苦

若有見聞者

悉發菩提心

盡此一報身

同生極樂國

流通功德寶福慧日增

著述者 圓瑛法師

再版者 上海市佛教協會

地址：上海市安遠路一六〇號

電話：五三七〇八三號

藏版處 上海圓明講堂

地址：上海市延安西路四三四號

電話：五二二三八二號

流通處 上海市佛教協會

地址：上海市安遠路一六〇號

電話：五三七〇八三號

佛尼牟迦釋師本無南




諸供養中法供養寂者知
佛法可以覺悟人心維持世道
若依之修證必能離苦得樂
普願自覺覺他轉劫化日
發菩提心齊成無上道

三求堂主人因瑛題



圓瑛老法師德相

求福求慧求生淨土



念佛念法念侶僧伽

願消累劫諸
業障願得福
慧日增長願
盡此身出娑
婆願佛接引
生安養 辛巳
秋園瑛自題



潮音花雨滿人間

圓瑛法彙再版

趙樸初



演教弘宗願力深如山流
有知音著經留作將來收
慧雙修果台歲以應

師子選著圓瑛法集再版

弟子明揚老於圓明禪堂



佛說八大人覺經講義

浙江四明天童宏法禪寺沙門圓瑛著

今講此經 初釋題目 次釋譯人 後釋經文 今初

佛說八大人覺經

此經在大藏經第五帙

此題爲一經之總綱。經文乃一題之別義。欲知別義。須明總綱。如挈網者。須提其綱也。綱提則衆目自彰矣。題中七字。上六字是別題。別者差別。此與他部名稱各別故。後一字是通題。通者同也。一切經藏。同名爲經。故別題是所詮之理。通題爲能詮之文。能所通別。合爲一題。

今按題解釋。第一字佛字。是能說之人。八大人覺。是所說之法。此題以人法立題。今講佛字。先講佛是何人修成。十方世界。各皆有佛。此佛是我婆娑世界教主。本師釋迦仁能牟尼默寂佛。降生在中印度。迦維羅衛國。妙

德淨飯王家爲太子。當中國周昭王甲寅二十四年。四月初八日生時。有種種瑞相。大光普照十方世界。我國亦見五色祥光。入貫太微。太史蘇由奏曰。有大聖人生於西方。不治而不亂。不言而自信。不化而自行。蕩蕩乎民無能名焉。却後一千年。聲教流傳此土。昭王卽勅鑄石記之。埋於南郊天祠前。欲人及時注意也。至漢明帝時。一千一十七年。永平十年。教傳東土。

佛生之後。具足三十二相。世界只有二種人有此相。一是佛。一是轉輪王。淨飯王請阿私陀仙人。爲太子看相。仙曰。太子具三十二相。必定出家成佛。我年老薄福。不能聞法。心自感傷。王望太子爲轉輪王。不願太子成佛。道至十七歲。爲太子納妃。名耶輸陀羅。不染世欲。但爲無情夫妻。此是難能可貴。至十九歲。因出遊。遇見老病死。人遂起感觸。老病死苦。人生個個皆所不免。由是研究。有何方法。可令衆生。離苦得樂。後復見比丘。剃除鬚

髮出家修道。求離生老病死之苦。遂向父王請願出家。王不允許。以上所見老病死。及比丘皆淨居天之所化現。引發太子出家之心。至二月初七夜深之時。淨居天人復在空中警覺太子。不可貪著五欲之樂。忘却本願。太子告以久欲出家修道。無法離宮。天人允爲幫助。乃於是夜白馬踰城。青山斷髮。初八日出家。現比丘相。五載參方訪道。六年勤修苦行。在雪山頂。麻麥充飢。至三十歲。不忍以此羸瘦之身。而成佛道。恐疑誤未來衆生。以餓爲道。於是起坐。受牧女乳糜之供。至菩提樹下。以生草爲座。誓曰。不成佛道。不起此座。大地悉皆震動。第六天魔王驚覺。欲來破壞。先以魔女動其心。後以魔兵怖其志。佛則安坐不動。降伏強軟二魔。至臘月八日。觀星悟道。成等正覺。名之爲佛。三歎奇哉。一切衆生。具有如來智慧德相。祇因妄想執著。不能證得。若離妄想。則無師智。自然智。一切顯現。以既見衆生本來是佛。乃以自證之道。普覺衆生。初說華嚴經。無奈大教不契於

小機不得已隱大施小。爲實施權。說出三乘教法。迨至法華會上。開權顯實。會三歸一。而與諸大弟子。授記作佛。最後說涅槃經。佛入滅在周穆王五十三年二月十五日。暴風忽起。林木傷折。地震動。西方有白虹十二道。南北通過。連夜不滅。穆王問太史扈多曰。是何徵也。對曰。西方有大聖人滅度。衰象現耳。此指定佛是淨飯王太子。所修成之佛。

次講佛字。是何等義理。梵語佛陀。譯爲覺者。乃大覺悟之人。我國人有好略習慣。故簡稱佛字一字。佛者。覺也。有自覺。覺他。覺滿。三種具足。方能成佛。

何謂自覺。乃覺悟自心本來是佛。由不如實知真如法一故。妄起一念。名曰無明。無明卽是不覺。亦名曰癡。亦名曰迷。從迷積迷。以歷塵劫。而爲衆生。一旦依本覺理。起始覺智。反迷歸悟。了知五蘊身中有佛性。而得正知正見。發菩提心。是名自覺。

何謂覺他。以自覺是心。是佛。是心作佛之理。發爲言教。開導一切衆生。欲令衆生。個個悟明大地衆生。具有佛性。一切衆生。皆當作佛。是名覺他。何謂覺滿。一自覺智滿。依始覺智。斷煩惱惑。覺至心源。智慧圓滿。二覺他行滿。依利他智。化衆生界。積功累行。福德圓滿。是名覺滿。三覺圓。萬德具名之爲佛。堪稱阿耨多羅^譯無^譯三藐^譯正^譯三菩提^譯正^譯今從三菩提釋上。佛已真正覺悟。心佛衆生。三無差別之理。卽自覺不同凡夫之不覺。是超出六凡法界。

佛乃真正平等。視大地衆生。猶如一己。故以自覺之理。普覺一切有情。卽覺他不同二乘之人。不肯覺他。是超出二乘法界。

佛證無上道。無有何人。能在其上。以自覺智滿。覺他行滿。卽覺滿不同菩薩之分證未滿。雖至等覺之位。如同十四夜月。尙欠一分未滿。是超過菩薩法界。

佛得阿耨多羅三藐三菩提。乃超九界以獨尊。故又稱世尊。爲有情正覺二世間所共尊崇故。

後講佛有幾種身。佛有三身。法身。報身。應身。又名化身是也。身者。積聚之義。衆生則積聚色受想行識五蘊以成身。佛則不然。一清淨法身。是理積聚。乃積聚眞如理法以爲身。眞如清淨本然。周徧法界。故法身曰毗盧遮那。此云徧一切處。經云清淨法身。猶若虛空。古德云山河及大地。全露法王身。皆周徧義。是爲法身。

二圓滿報身。是智積聚。乃積聚權實二智以爲身。如來智慧德相。衆生本具。被妄想煩惱之所障礙。不得現前。故報身曰盧舍那。此云淨滿。煩惱之惑已淨。智慧之德已滿。從本覺體。起始覺智。覺至心源。先得實智。成自受用報身。後得權智。成他受用報身。是爲報身。

三千百億化身。是功德積聚。乃積聚無量功德以爲身。三祇煉行。百劫修

因。運智運悲。積功累德。故曰釋迦牟尼。釋迦譯能仁。能以仁心救濟衆生。成悲德。牟尼譯寂默。寂靜宴默。契入無言之道。成智德。隨機應化。是爲應化身。

佛字。更有多義。有四教之不同。十號之差別。五眼。十力。四無所畏。十八不共法等。皆從略不講。詳在法數及佛學大辭典。

說者。卽如來四無礙辯。隨機施教。金口之所宣說。凡說經。有五種人之分。一佛說。二弟子說。卽菩薩聲聞。代轉法輪。爲佛所認可者。三仙人說。卽五通仙人。從佛受化。助佛轉輪者。四天說。諸天聞法受道。教化天衆。如帝釋天之善法堂。常說般若等。五化人說。卽佛菩薩羅漢。變化種種形而說法者。故曰經通五人共說。此是佛說。非餘四人所說。

又說者。悅所懷也。佛以利生爲懷。非時非機不說。若時至機熟說之。能令衆生得益。則暢悅所懷而說也。上講佛說竟。

八大人覺者。上是能說之人。此是所說之法。於七種立題中。此爲人法立題。八大人三字。非是八位大人。乃是八種之法。爲佛菩薩等大人之所覺悟。一世間無常覺。二多欲爲苦覺。三心無厭足覺。四懈怠墜落覺。五愚癡生死覺。六貧苦多怨覺。七五欲過患覺。八生死熾然苦惱無量覺。此八種法。佛菩薩大人之所覺者。衆生迷而不覺。故曰不覺之衆生。今佛說此經。是以自覺。而欲普覺一切衆生也。現講所詮別題六字竟。

經字是通題。經藏同名爲經。故梵語修多羅。譯爲契經。簡稱曰經。契者合也。上合諸佛所說之理。下合衆生應度之機。故曰契經。又具貫攝常法四義。貫者貫串所應知之義。文法相連。令不散失。故攝者。攝受所應度之生機緣成熟。令得受益。故常者。三世聖人。不能變易其說。法者。十方衆生。自應依從其軌。更有多義。恐繁不說。現講能詮通題。經字一字竟。合上別題六字。初釋題目竟。

次釋譯人

後漢沙門安清譯

後漢。是指時代。揀非前漢。故曰後漢。安清法師。由安息國而來中國。當後漢桓帝時。

沙門。譯爲勤息。謂勤修戒定慧三學。息滅貪瞋癡三毒。乃出家者之通稱。實在沙門二字不易稱。古謂識心達本源。故號爲沙門。

沙門復有四種之分。一勝道沙門。修行證入。殊勝道果者。二說道沙門。說諸道品。利益衆生者。三活道沙門。以道自活。不依邪命。嚴持淨戒者。邪命有五。謂以五種邪法。以求利養。而自活命。一詐現異相。令生敬仰。二自說功德。抑人揚己。三占卜相命。談說吉凶。四高聲現威。矯飾威儀。五說所得利。以動人心。四污道沙門。玷污道器。毀破戒律。名字出家。非佛弟子。濫廁

僧倫者。前三可貴。後一可鄙。

安清法師。字世高。係安息國王太子。法師乃久修之士。得宿命通。三世爲安息國太子。第一世做太子。發心出家修道。知有命債未償。不得解脫。債主在中國洛陽。遂來中國。至洛陽曠野途中。遇一少年。靦面而來。見卽生瞋。拔刀砍殺。命終神魂卽至安息國。又投胎爲太子。年長復發心出家。知有命債。尙未還清。亦在中國洛陽。復航海而來。至前生殺彼之少年家。借宿。命債既償。見之不恨。遂允住宿。款以飲食。席間問彼。子其知我乎。曰不識。告以我卽某年月日。在曠野途中。被汝所殺之僧。彼驚爲索命之鬼。以此事並無第三人得知。故疑爲鬼。甚大恐怖。太子告以勿怖。我非是鬼。當時被殺。神魂復至安息國。仍投胎爲太子。今度特來。還是償命債。明日當被人打死。欲請汝作證。說是我遺囑。勸官廳不要辦誤打者之罪。則命債可清。其人聞之。且驚且奇。至次早飯食訖。與之同至街坊。前行一人挑柴。